



Wenn d Alnsamkalt uns Mensche bloggt und s Härz vor Schmärtz duet blege
Stimmer mit dr Zyt nimm wählerisch, nämme s Erschtbesch wo mer grlege
Denn Isch s uns glych, wenn epper wiescht Isch, stinggt, nie wäggslet synl Sogge
Bim Xasse schmatzt, dumms Zyg redt und bim Schiffe stohst statt z hogge
Au d Schwyz heit gleert sich fir so Partnerschaffe nid z genlere
Syt mir zwunge sinn mit Eeschtrych d Fuessball-EM duurezlehre

Er welt emool e Fasnacht ohni Spott wo lhn so bloggt
Drum heit dr Mister X die Gsalzene um Root aagfroggt
Vor eme Johr hänn mir ihm gsait: «Du sottsch Jetz gar nyt me risklere
Alli wichtige und halggle Geschäft an andri deleglere
Gohsch am zähl erscht go schaffe – denn bisch ungschteert und ellal
Damit de uff dr Strooss kuum Lyt driftsch, gohsch am vierl hal
Und wenn d emool im Byyroo bisch, setz nie e Fuess vor d Dirre
Zaigsch de Medie nur by Apéro und Feschtili dyni Bilre
Mach dy Muul wirtgilig nur uff wenn s halt grad gar nid anderscht goht
Aber vorhär frogsch uff jede Fall e Gscheytere um Root
Genau das heit er gmacht und so e Johr ganz still usgsässe
Aber drotzdäm liebe HaMaTschu – mir hänn di nid vergässe

S Ruthli Dreyfuess heit lang ghilmt zem lhr letscht Idee z gebääre
«Mr leen d Ärzt aifach nimm schaffe, dien so d Granggehyser lääre
Bleeder goht s wohl kuum, doch glits vo uns Abblaus und Jubilée
Denn syt däre letscht Idee hänn mir au s Ruthli nie meh gseh

Sexorgie am Keenlgschof – fir Ängland Isch s e Schand
Dr Adel rammet schynt s mit Diener und d Diener hogge uffenan
Jetz Isch d Ussaag vom Prinz Charles nadyrlig nimme so banal
Är steichi Jedezyt mit ganzer Grafi voll hintrem Personal

De Erich Straumaa sait zem Conti: «Carlo, d Hanfläde muesch schlesse»
Druff maint dr Conti: «Z Basel wurd s d Reglerig kuum begresse
Will au mir gärn mool e Jointli Kiffe – s hillt in aline Laage
Und nur soo ka me Eych Regleriglöön im Baselbiet verdraage.»

Bim Herr Meier graist dr Plattegaler rund um Huus und Hoo
Im Betrlygsamt kennt sogar d Butzrau sy Adrässe im Schloof
Heit är sy Börsefritz oder dr Roulettdisch zvyyl gseh?
Nal, er heit sy ganze Stutz verbruucht fir Champions-League-Byllée

Noon em Sylveschterlescht im Dytsche simmer no dr Letscht go nää
Vor em Spunte z Basel hänn uns d Schugger denn e Parkbuess gää
Parkiere glieng nur no mit EU-Schybe in ihrem Revler
Mir hänn uns gwehrt, mir haige d Schybe nur vo dytschem Walzebler

Dr Vatter sait zem Hansli: «Du bisch zimmlig gschbässig, nid ganz bache
Kasch in dr 10. Glass kuum lääse, schwätzisch wirri Sache
Was wird uus Dir?» Druff maint dr Hansli: «Muesch kai Sorge haa
Y blyyb genau so hohl und wird bald Bresidänt z Amerika»

In Basel goht s schnäll mool e Johr
bis nur e Hundehitte stoh
Bim neye Mäseturm hesch gseh,
dass es doch au vyyl schnälller goht
Uns heit s nid gwunderet
Isch es au so ginschtig uusekoo
Will rund um d Hammerstrooss
griegt me fir wenig Gäld e mängs zem Stoh

Dr Halbschueh Blocher sait im Chefdoon
Zem Muurer, dere halbe Portion:
«Dr Sämi Schmid – s gsehn s nid nur Kenner
Isch e zimmlig groosse Penner»

D SVP isch dief in Noot
Heit nur e halbe Bundesroot
So goht s nid wyter, nundefahne
E zwalti Stimm im Root muess aanel!»

Dr Muurer maint: «Vyyl Gegner lache
Mir syge halbschlau, nur halb bache
Fir 2 x SVP – kai Witz
Bruuche mir drum mindeschstens 4 Sitz!»

Jetz sinn schnäll Kandidate z finde
Drum mlen mr uns halt iberwinde
Und frooge noonemool s dimmscht Gutzi
Y main dr Toni Bertoluzzi

Nid vyl schlauer, erscht no faader
Vom Baselbiet dr «Chäschpl» Baader
Und fir e hirnloos Larifari
Bürgt uus Basel d Zanolari

Oder mir importlere – s git kuum Uffwand
Abfallpolitiker vom Ussland
Aber im Uusverkauf git s laider
Numme no Möllemann und Haider

Will uns d Lyt fähle, wurd sich s Jetz lohne
Dii, liebe Christoph vier Mool lo kloone
Doch d Raellaner hänn numme glache
S gäb sogar Sache, wo sii nid mache!